

Acti Concord
torum Sect
de Artibus
micis
oria

Nf. 96.



- 1) Calixtus, Geo., IV evangell. scriptt. concordia. Gosl. 1638.
- 2) Egg, historia Magorum ex Matth. II. ed. 2. Helmst. 1647.
- 3) Egg, in ep. St. ap. Pauli ad Titum expos. tit. ed. 3. Helmst. 1649.
- 4) Egg, sandae, et cath. et apost. eccles. ejus primorum et oecumenicorum
concill. symbola et confessiones. Helmst. 1649.
- 5) Egg, scripta facientia ad colloquium a — Vladislao IV Tom
ni — 1644 indictum etc. Helmst. 1645.
- 6) Conring, Herm., de antiq. acad. Diss. VI. Helmst. 1651.
- 7) Hornius, Conr., oratio funeb. memoriae Frid. Huld. Duc. Brun
svic. — a. 1635 hab. Helmst. 1647.
- 8) Titius, Gerh., oratio de corruptelâ, quibz in occidente eccl. Li. vlti
mis et sequior. praesertim sac. est oppressa. Helmst. 1650.
- 9) Schrader, Chstph., or. ad — legatos — viscudae ordinandaeqz Acad.
missos. Helmst. 1650.
- 10) Scheurl, usdem de negotio peracto gratul. Helmst. 1650.
- 11) Egg, Natalis academiae 73 cum parentatione in honorem
C. Hornii. Wolpherb. 1649.
- 12) Gelkudus, Sam., de bello et pace oratio — in pacis — Monasterii
publicae memoriae — reichaba Godelegiae. — Helmst. 1651.
- 13) Stuckius, Joh., progr. festo nat. J. C. Helmst. 1635.
- 14) Calixtus, Geo., progr. festo nat. J. C. — quo controversia exortitur
num Kg. secundum carnem sit filius @ naturalis l. adopt. et rom. pont
Hadr. I. male definitioe convincitur. Helmst. 1643. verse

Heuss enritter. 1813.


- 15/ Conring, Herm. progr. fest. nat. J. C. Helmst. 1650.
 16/ Quistorp, Joh., progr. in nat. J. C. Rostoch. 1627.
 17/ Homburg, Joh. progr. festo mort. J. C. Helmst. 1657. } *De resur.*
 18/ Egg, progr. fest. pentec. Helmst. 1657. } *De spiritus S.*
 19/ 23. Progr. in funere Fabricii. Helmst. 1657. — Cath. Conspicua
 Heierringiae. Helmst. 1639. — Henr. Rosang. Helmst. 1650. —
 Bot. Mary. Schwaarz kopffae, Joh. Wineren ux. Helmst. 1650. —
 Frid. Vlr. Horneji. Helmst. 1657.

sur.
arms.

reflex

—
—





VLADISLAVS IV
DEI GRATIA.

REX POLONIAE
MAGNVS DVX LITHVA-
NIAE, RVSSIAE, PRVSSIAE, SAMOGI-
TIAE, MASSOVIAE, LIVONIAE,
Sievierién, Smolenscén, Czernikovién,

NEC NON
SVECORVM, GOTHORVM
VANDALORVMQ; HAERE-
DITARIVS

REX,
Regni Nostri, & M. D. Lithuaniae,
& Provinciarum eis adnexarum In-
colis, Augustanae & Reformatae,
ut vocant, Confessionis, Gra-
tiam Nostram, &c.

*Illustres, Magnifici, Generosi, Nobiles, Spectabiles &
Eruditi Viri, Sincerè Fideliter Nobis Dilecti.*



Altius pectori Nostro infedit
publicæ salutis cura, & concor-
diæ in animos omnium indu-
cendæ desiderium, quàm ut
morâ languescere, aut adversis
quibusvis obstaculis intercipi
possit. Ille ipse communis bo-
ni amor, quem in magnis suc-
cessibus orbi ostendimus, promovimus victoriis,
latè propagatâ per omnes Regni nostri Provincias
pace fundavimus, & adhuc perpetuis sustentamus
laboribus, quietos Nos esse non patitur, quin salu-
berrima consilia, inter varios difficultatum flexus,
prosequamur. Didicimus hanc quærendæ tranquil-
litaris constantiam à Majoribus Nostris: quorum
dulce in tractandis subditis studium nulli tempo-
rum decursus lassabant, nulli frangebant obices.
Ne suo muneri deessent, spem ab ipsis impedimen-
tis, robur à periculis accipiebant. Hos domesticos
cordis Nostri stimulos, Præsides quoque Catholici
acuunt plurimùm, qui Christianæ caritatis viscera
nuper omnibus aperuerunt; & toto animi virium-
que nisu, id vnum jam agunt, Nobis strenuè colla-
borantibus, ut Religionis unitatem & pacem, sum-
mum Ecclesiæ Patriæque bonum, postliminio redu-
cant.

cant. Cùm verò intelligerent, alios pientissimos
conatus non proficere, viam illam Liberi & Fraternali
Colloquij toties à Vestris integro jam sæculo expe-
ditam, magno caritatis apparatu, patefaciunt; in
spem erecti, obtineri fortasse posse per paucos, quod
expetere debent universi: ut extinctis tot opinio-
num odiorumque dissidiis, omnes tandem in ean-
dem sententiæ & amoris unitatem conspirent, & ite-
rum vitam spiritumque ab uno eodemque Ecclesiæ
corde ducant unanimes, qui in eodem Patriæ sinu
se se amplexantur ut Cives. Quod præclarissimum
& saluberrimum Prudentiæ & Pietatis Christianæ
consilium, Vobis nuper per repetitas literas exposi-
tum, non displicuisse; atque etiam magnis laudibus
& plurimâ gratiarum actione dignum visum esse,
non sine maximâ animi Nostri voluptate accepimus.
Denique non difficili, neque frigidâ voluntatis No-
stræ acceptatione, quam ex Vestris tum literis, tum
nonnullorum nunciis, cognouimus, non mediocri-
ter vota Nostra excitatis.

Neque retardant Nos, quæ in quorundam lite-
ris calentiore, quàm optassemus, affectu & calamo
deproperata, vel eorum aliquem à proposito scopo
abripere visa sunt, vel Catholicorum lenissimæ cari-
tati (cujus nostra, & Synodica Episcoporum epi-
stola testis est) vehementiorem, quàm res postula-
bat, impetum importunè opponere. Verùm ea, quæ

dulcedinem curarum Nostrarum distemperare poterant, libenter præterimus, & ab aliis præteriri volumus: & ita rem agimus, ut constet orbi Christiano pacem sincere quæri per viam pacis.

Exstinctis ergo, in ipso statim cinere, novorum irritamentorum scintillis; ea tantum sectamur, quæ Vos ipsi quoque in spem moderationis, studium quæ Pacis & concordia flectitis.

Itaque placet Nobis sincera Propositi nostri æstimatio, quam ex Regalis officij interpretatione collegistis; placet memoria Libertatis, cujus pulcherrimum decus ornare concordia laboramus; placet promissa ad negotium Religionis tractandum promptitudo. Et cum tot sint, quæ Nos ad susceptæ causæ prosecutionem magnopere invitent; illa ipsa tamen provida Vestra solertia, quæ jam unde diversæ opiniones componi possint, ostendit, auxilia ad firmandam veritatem suggerit, modum agendi, totiusque actionis pro parte Vestrâ ordinandæ, designat, supra modum Nos in instituto confirmavit. Sub tot propensionis Vestræ argumentis facillimum Nobis fuit ulteriora Vestra desideria intelligere; & favorem Nostrum Regium Vestris petitionibus inclinare. Libenter quocirca terminum congressus & Colloquij, Torunij in civitate Nostrâ Regiâ restaurandi, in anni sequentis, qui salutis nostræ 1645, mensis Augusti diem 28, styli novi Gregoriani, promote-

movemus : vt omnem interea doctrinam, confilia-
que, ad commune Reconciliationis nomen dispo-
nere, & Eruditos viros ad ponenda Pacificationis
fundamenta designare valeatis. Proderit etiam tam
ampli spatij indulgentia ad contingendam celerius
amicæ Allocutionis metam : cui Nos quidem trium
mensium cursum assignamus (quamvis pro tam am-
plo negotio angusti limites non nemini videri pos-
sint) sed illa aut citius occurret, si vacuo tempore
plus disceptationis, inutiliumque tricarum, seposi-
tum fuerit, aut poterit ex partium consensu profer-
ri, ut ad instruendum Labori, Veritatiq̄ue amplius
aliquantum liceat. Quamvis autem Nobis placeat
magis domesticam quietem per Subditos Nostros
potissimum tractare, ne evocata Exterorum indu-
stria, quæ jam lites gravissimas alibi sustinet, tran-
quillitati Nostræ aliquid detrimenti afferat: ut ta-
mē præsentī negotio omnem opportunitatem pro-
videamus, aliquos aliunde evocari posse benignè
annuimus. Volent illi, dubio procul, quamvis lon-
gis regionum suarum diffidiis innutriti, pares Vobis,
Nostræque paci, animos assumere, & omnem sen-
tentiarum dissensionem, Regni Nostri genio, tem-
perare. Vt autem universi & singuli tempestivè in-
telligant, paci & securitati suæ in itinere redituque op-
portunè provisum esse; Nos undequaque planissi-
mo rerum progressui consulentes, sine dilatione &

morâ, Fidem Publicam, quàm Salvum Conductum
nuncupant, dandam & concedendam esse duximus:
quemadmodum, tenore præsentium, eandem o-
mnibus & singulis, qui ad tractandum hoc Sacrum
Reconciliationis negotium, unde libet, legitimè à
suâ parte, vel à suæ partis moderatoribus, sub Augu-
stana & Reformata Confessionis nomine evocati,
vel destinati fuerint, clementer damus & concedi-
mus; & ut integrè ac tutò, absque omni impedimen-
to vel metu, Torunium adire, ibidem tempore con-
stituto manere ac morari, & præmemoratum Recon-
ciliationis negotium (iis legibus & conditionibus,
quas ex legitimo & unanimi præsentium, partium-
que consensu, & Nostrorum Senatorum, qui præ-
sentes aderunt, assensu, sanciri oportebit) tractare; &
demum confecto integrè, vel ex parte, eodem nego-
tio, liberè & securè abire, & ad sua redire possint, ple-
nissimam verissimamque securitatem benignè im-
pertimur. Neque verò auctoritatem Regiæ Nostræ
præsentia, huic negotio magnoperè necessariam ar-
bitramur; cùm per Nostros utriusq; ritus Senatores,
quos jam designavimus, securitati provisum sit: & à
Vestro potissimùm consensu optatissima in Fidei u-
nitate conspiratio pendeat. Sub horum præsidio
fas erit constituere è Vobis moderatorem, qui se in-
tra Vestrae Partis fines contineat. Fas erit voce &
scripto ad arbitrium agere, tempora colloquendi ex
negotij

negotij utilitate amplecti, proposita aut conciliata
in publicam aliorum notitiam, scripto vel typo, ex
pacto deferre. Ex hoc Nostræ voluntatis Dignatio-
nisq; testimonio, jam profectò intelligitis ipsi, quàm
Nobis gratum sit, singula ad spem optimi exitus di-
sponere; quàm Catholicis promptum nullâ duritiæ
offendere. Non illi Vos, tamquam reos, ad tribunal
vocant, ut edictis suis in vitos damnent: sed velut e-
jusdem Reipubl. civibus, pacatam colloquij Frater-
nitatem offerunt, quâ liceat ad consensum usq; sen-
sim progredi, & tandem in unum Christi corpus co-
alescere. Iam se ad æquilibrium, quantum licuit, &
præfens negotium exigit, demiserunt; quò sanctius
utiliusq; animorum euadat commercium. Neque
Vos, ut prudentissimi estis, plura ab illis extorquebi-
tis; ne dum eos ab uno capite summo retrahere niti-
mini, jam secessionem non conuictis obtrudere, &
in precium parvæ pacis magnum dissidium exigere
videamini. Agite quocirca, sincerè fideliter Nobis
Dilecti, atque viribus totis ad stabiliendam Pacis in-
tegritatem aspirate. Ipsi Vos in manibus calculos te-
netis, quibus firmatam jam seculo uno discessionem
emendatis. Quod cum feceritis, non injurij in An-
tecessores Vestros, qui primi vetustissima credendi
vincula reliquerunt, sed vindices illorum eritis Ma-
jorum, quorum institutionem proscripserunt poste-
ri. Si illis honorificum fuit aliquando in gremio
ejus-

eiusdem Ecclesiæ vixisse; quomodo Vobis probro
erit conatus, quo ipsorum reverentiam, fideiꝫ; hæ-
reditatem, in antiquâ diuturnâque sentiendi con-
suetudine quæretis? Vtinam verò, quod vnicè vo-
vemus, & à DEO Pacis ardentè exposcimus, No-
stris, Vestrisque desideriis omnia feliciter responde-
ant! Cederet, dubio procul, eares CHRISTO, Re-
gum Populorumque Regi, in Christiani Regni de-
cus; Reipublicæ in securitatis solidæque pacis be-
neficium: quæ duo nobilissima commoda Nos in
tam præclari operis molitione studiosè intendimus.
Interim Sinceritates & Fidelitates Vestras bene va-
lere cupimus. Dat. Varavia, 1 Decembr. Anno Sa-
lutis 1644.

Vladislaus Rex



Fe 765



ULB Halle
002 413 515 3

A standard 1D barcode is located on the library label, positioned below the identification number.

TA-OL

VD 77

42



Georgii
Sua E
Sua Com
lati
Sua





VLADISLAVS IV
DEI GRATIA.

REX POLONIAE
MAGNVS DVX LITHVA-
NIÆ, RVSSIÆ, PRVSSIÆ, SAMOGI-
TIÆ, MASSOVIAE, LIVONIAE,
Sievierién, Smolenscén, Czernikovién,

NEC NON

SVECORVM, GOTHORVM
VANDALORVMQ; HAERE-
DITARIVS

REX,

Regni Nostri, & M. D. Lithuaniae,
& Provinciarum eis adnexarum In-
colis, Augustanae & Reformatae,
ut vocant, Confessionis, Gra-
tiam Nostram, &c.